

## 1.- FINALIDADE DA VII CARREIRA PEDESTRE DO CONCELLO DE MALPICA

SABADO 28 de SETEMBRO

O obxectivo da VII Carreira Pedestre do Concello de Malpica é fomentar a práctica de actividade física e deportiva como medio para alcanzar unha vida máis saudable e segura.

Nesta competición poden participar todas aquelas persoas que o desexen.

DISTANCIAS E HORARIOS : **Categorías de base**

CATEGORÍA		NACIDOS	DISTANCIAS	HORARIOS
<b>Biberón</b>	Masculino	2017 e posteriores	100 m	19:40 H
	Feminino			
<b>Sub 10</b>	Masculino	2015-2016	740 m	19:30 H
	Feminino			

### Cadete, Infantil e Alevín

CATEGORÍA		NACIDOS	DISTANCIAS	HORARIOS
<b>Sub 12</b>	Masculino	2013-2014	2.000 m	18:05 H
	Feminino			
<b>Sub 14</b>	Masculino	2011-2012	2.000 m	18:05 H
	Feminino			
<b>Sub 16</b>	Masculino	2009-2010	2.000 m	18:05 H
	Feminino			

### 2K (carreira curta, categoría única)

CATEGORÍA		NACIDOS	DISTANCIAS	HORARIOS
<b>Proba 2k</b>	Masculino	2008 (incluído) e anteriores	2.000 m	18:05 H
	Feminino			

10 K

CATEGORÍA		NACIDOS	DISTANCIAS	HORARIOS
Sub 18	Masculino	2007-2008	10.000 m	18:00 H
	Feminino			
Sub 20	Masculino	2005-2006	10.000 m	18:00 H
	Feminino			
Sub 23	Masculino	2002-2003-2004	10.000 m	18:00 H
	Feminino			
Senior	Masculino	2001-1990	10.000 m	18:00 H
	Feminino			
Máster 1	Masculino	1989-1984	10.000 m	18:00 H
	Feminino			
Máster 2	Masculino	1983-1974	10.000 m	18:00 H
	Feminino			
Máster 3	Masculino	1973-1964	10.000 m	18:00 H
	Feminino			
Máster 4	Masculino	Nados antes do 1964	10.000 m	18:00 H
	Feminino			

## 2.- PERCORRIDO

- a) **As Categoría Sub 10 e Biberón** terán dúas carreiras no paseo da praia.  
b) **A proba 10 K** terá un tempo máximo de remate da proba 1h e 30´.

Percorrido: Saída dende a Praza de Anselmo Vilar Amigo (enfrente do Concello), Vila Fano, Rúa do Porto, Muelle norte cara a lonxa e volta cara o muelle sur, Vila Fano, Guardia Pardines, Paseo da Praia, Rúa Canido, Cancela de Areas, Seaia, , Instituto Urbano Lugris, Estrada de Santo Hadrian ata a Capela, Camiño do Santo, Canido, chegada no Paseo da Praia.

- c) **As proba Sub 12, Sub 14, Sub 16 e 2K** terán un tempo máximo 20´.

Percorrido: Saída dende a Praza de Anselmo Vilar Amigo (enfrente do Concello), Vila Fano, Rúa do Porto, Muelle norte cara a lonxa e volta cara o muelle sur, Vila Fano, Guardia Pardines, chegada no Paseo da Praia.

### 3.- NORMATIVA XERAL E DE SEGURIDADE

1. A carreira rexerese pola **regulamentación de Seguridade Vial do Estado e da Comunidade Autónoma de Galicia**, que establece os requisitos esixidos para a celebración de probas deportivas na vía urbana (Real Decreto 1428/2003 do 21 de novembro, publicado no BOE nº 306 do 23 de decembro de 2003 sobre a ocupación da vía pública; e o Real Decreto 849/1993 do 4 de xuño de 2003, sobre a contratación do seguro de responsabilidade civil e de accidentes e a lei 10/2017 , de 27 de decembro, de espectáculos públicos e actividades recreativas de Galicia).
2. Todos os participantes estarán amparados por unha **póliza de Responsabilidade Civil e accidentes deportivos**, que cubrirá os accidentes que se produzan como consecuencia directa do desenvolvemento da proba. Quedan excluídos os casos derivados dun padecemento latente, imprudencia ou inobservancia das leis, da normativa da competición, etc. Tamén quedan excluídos os casos producidos polo desprazamento ao lugar da competición ou desde o mesmo. A inscrición implica ler, entender e adquirir o compromiso que a continuación se expón: Certifico que estou en bo estado físico. Eximo de toda responsabilidade que da participación no evento puidese derivarse, á organización, patrocinadores comerciais ou sponsors, empregados e demais organizadores. Coa realización da inscrición, todo participante cede os seus dereitos de imaxe á organización, que utilizará as imaxes de acordo coa Lei de Protección de Datos.
3. Así mesmo a proba contará cun **servizo médico-sanitario**, que constará de dúas ambulancias e un médico no caso que non superen os 750 participantes.  
A organización contará cunha ambulancia nas inmediacións da zona de saída/meta e outra na metade do percorrido 10K.
4. A organización da proba resérvase o dereito a modificar horarios e ou percorridos, así como aprazar ou suspender a carreira se así o estima oportuno por razóns de seguridade.
5. No caso de que para o día de celebración da proba se decrete unha **alerta laranxa a proba será suspendida** automaticamente. Buscarase unha data axeitada para desenvolve-la e non se devolverán os cartos da inscrición.
6. Antes de inicio da proba 10K, a partir das 18:30h, estará habilitada a rúa Vilafano para o quecemento dos atletas. Os atletas que durante o transcurso da proba que circulen por fóra do espazo delimitado polos vehículos de sinalización de inicio e fin de carreira, considéranse a todos os efectos usuarios normais da vía. **Pese a que a organización fará o máximo esforzo no control do tráfico rodado, indicamos aos participantes a posibilidade que nalgún punto poidan coincidir cunha circulación mínima de vehículos. Solicitamos que se extreme a atención para mitigar posibles riscos.**
7. Toda persoa que corra sen estar inscrita, farao baixo a súa responsabilidade e non poderá participar de trofeos nin obsequios. Tampouco estará amparada polos seguros da proba.
8. Poderanse efectuar reclamacións ante o Xuíz Árbitro da proba. A participación é libre e leva implícita a aceptación do Regulamento Xeral da proba.
9. O Concello de Malpica habilitará as oficinas municipais situadas na Casa do Concello, como lugar onde se recollerán os dorsais e chips. Tamén habilitará o pavillón polideportivo municipal para que todos os atletas que o desexen, unha vez rematada a súa proba, poidan ducharse, estando aberto a partir das 18:30h ata as 21:00h.

10. Os únicos vehículos que poderán seguir a proba, serán os autorizados pola organización. Non está permitido o acompañamento na proba de ningún vehículo alleo á organización; nin bicicletas, patíns ou persoas non inscritas na proba que poidan acompañar, avituallar ou marcar ritmos aos participantes.
11. @s participantes na proba recibirán **unha camiseta** cando recollan os seus dorsais e chips.
12. Terán avituallamento final todos os participantes e un líquido intermedio na carreira 10K.
13. Respetarase a talla da camisetas a todos aqueles que se inscriban con dez días de antelación.  
Logo de cerrar as mesas de recollida de dorsais non se atenderá ningunha reclamación sobre as camisetas.
14. Descualificacións:
  - ✦ O servizo médico da competición e o xuíz árbitro da competición, están facultados para retirar durante a proba a calquera atleta que manifeste un mal estado físico . durante o desenvolvemento da mesma.
  - ✦ Todo atleta que non realice o percorrido completo.
  - ✦ O atleta que manifeste un comportamento non deportivo ou se reitere en protestas ante a organización.
15. Todos os participantes, polo feito de inscribirse e tomar a saída na carreira, aceptan o presente regulamento, e no caso de dúbida ou de xurdir algunha situación non prevista no mesmo, resolverase de acordo ao que dispoña o Comité Organizador e polas normas da FGA, RFEA e IAAF en vigor.

#### 4.- UTILIZACIÓN DE MEDIOS FÍSICOS NATURAIS

As persoas participantes terán que competir cos seus propios medios físicos e naturais, sen axudas externas físicas ou materiais de ningún tipo.

Non está permitido o acompañamento en ningún momento da proba por ningún vehículo alleo á organización, nin bicicletas, patíns ou persoas non rexistradas na proba que poidan acompañar, avituallar ou marcarlles ritmos ás persoas participantes.

Ao mesmo tempo, non se permite a participación con coches ou cadeiras de bebés, nin correr acompañados destes en ningún momento, coa única excepción dos carros **de running\***.

Tampouco está permitida a participación con animais, nin correr acompañados destes en ningún momento.

*\*A participación con carro de running deberá estar xustificada unicamente para levar unha persoa con discapacidade motora grave (que non lle permita á persoa con discapacidade trasladarse polos seus propios medios físicos), entendendo nestes casos como participante sempre a persoa que empurra o carro (dentro da categoría que lle corresponda), e non a persoa que vai no carro. A inscrición desta persoa, que irá con dorsal sen chip, será gratuíta. Para iso deberán contactar coa organización a través da páxina web [www.championchipnorte.com](http://www.championchipnorte.com).*

Calquera infracción destas características poderá supoñer a descualificación da persoa participante.

## 5.- DEREITOS DE IMAXE, USO DE DATOS E AUTORIZACIÓNS

Os deportistas inscritos comprométese a aceptar estritamente o presente regulamento e calquera posible modificación.

A solicitude de inscrición para **os deportistas menores** de idade deberá ir acompañada dunha **autorización paterna** segundo o modelo establecido pola organización.

A realización da inscrición implica ter lido, entendido e adquirido os compromisos que a continuación se expoñen:

- ✦ O atleta inscrito declara que está en bo estado físico e ten pasado os pertinentes recoñecementos de saúde.
- ✦ Calquera atleta con problemas médicos (alergia, atencións especiais,...) deberá facelo constar no reverso do dorsal da proba.
- ✦ O atleta inscrito autoriza e acepta a publicación do seu nome e apelidos e a súa imaxe nas clasificacións, medios de comunicación e internet,(...) para a promoción do deporte.
- ✦ Calquera persoa inscrita poderá prohibir a utilización da súa imaxe previa solicitude expresa por escrito.

## 6.- SISTEMA DE CRONOMETRAXE / CHIPS E RECOLLIDA DE DORSAIS

- ✦ Será obrigatorio o uso de chip para tódalas carreiras agás a Categoría Biberón. Para controlar a proba estableceranse controis de cronometraxe por chip (deberá ir suxeito aos cordóns das zapatillas).
- ✦ Será obrigatorio o uso de dorsal para todas as categorías (facilitado pola organización).
- ✦ O atleta que non porte o chip nas carreiras non poderá entrar na clasificación da proba.
- ✦ O atleta que non porte dorsal poderá ser descualificado se así o estima a dirección de carreira.
- ✦ O **horario de apertura das mesas** de recollida de dorsais será de 15:00 a 17:30 do día 28 de setembro na casa do Concello de Malpica. **Os dorsais e chips poderanse recoller ata 30 minutos antes do inicio da proba de 10K .**
- ✦ Os chips son persoais e intransferibles polo que a suplantación da personalidade dos atletas, sancionarase coa expulsión da carreira do portador e do/a atleta suplantado, anulando todos os dereitos adquiridos coa inscrición.

## 7.- INSCRICIÓN

A **inscrición**, que será única por cada participante, realizarase a través da páxina web [www.championchipnorte.com](http://www.championchipnorte.com) **data límite o Martes 24 de setembro ás 24h.**

### Cotas de inscrición:

- ✦ A inscrición para as carreiras 10 K e 2K terá un custo de 5 € para aqueles corredores que posúan chip, e de 6 € para aqueles corredores que deban alugar o chip, mais 5 € de fianza para os que alugan os chips que se devolven a semana seguinte da carreira na mesma tarxeta ca que fixeron o pago.
- ✦ A inscrición dos corredores das categorías de base (Biberón, sub 10, sub 12 e sub 14) será gratuita.
- ✦ 1 € solidario. Por cada inscrito na carreira a organización doará 1 € á AECC.

As inscricións para os atletas menores de idade poderá realizarse a través da plataforma championship. A autorización paterna deberá imprimirse e ser presentada debidamente cuberta e asinada á hora de recoller os dorsais. Dita autorización poderá ser descargada en [www.championchipnorte.com](http://www.championchipnorte.com).

**O chip terán que devolvelo despois de cada carreira no espazo habilitado pola organización.**

## 8.- CLASIFICACIÓN E TROFEOS/MEDALLAS

### ► Clasificacións das probas.

#### Nas carreiras de categorías de base

- Optan a esta clasificación todos os/as atletas participantes nas probas.
- Recibirán medalla e subirán ao podio os tres primeiros/as clasificados/as en cada unha das categorías. Na categoría Biberón recibirán medalla todos conforme vaian entrando na meta.

#### Na carreira 2 K.

- Optan a esta clasificación todos os/as atletas participantes na proba.
  - Recibirán medalla e subirán ao podio os tres primeiros/as clasificados/as nesta proba que ten categoría única.

#### Na carreira 10 K.

- Optan a esta clasificación todos os/as atletas participantes na proba.
- Recibirán medalla e subirán ao podio os tres primeiros/as clasificados/as en cada unha das categorías.
- Recibirán trofeo os tres primeiros/as clasificados/as na proba 10K.
- Recibirán trofeo o primeiro e primeira clasificado/a **empadroad/a do Concello de Malpica**.

- A entrega de trofeos no podium situado diante da Meta, se o tempo o permite, e no suposto que non fose así no **Pavillón Polideportivo municipal do Concello de Malpica**.

**NOTA:** Esta proba pertence ao Calendario Oficial da FGA e mediante a súa inscrición o corredor consente expresamente que os seus datos básicos sexan cedidos a esta entidade para a tramitación, ante a compañía de seguros, dos seguros obrigatorios de accidentes e Responsabilidade Civil así como a xestión da licenza de día de ranking popular e probas de ruta. En todo caso e tal como establece a lei de Protección de Datos, o interesado pode exercer no futuro os seus dereitos de acceso, rectificación, cancelación e oposición mediante escrito ou correo electrónico á Federación Galega de Atletismo. Avda. de Glasgow 13 15008 A Coruña.

**O CONCELLO DE MALPICA DE BERGANTIÑOS, ORGANIZADOR DESTA CARREIRA APROVEITA A OCASIÓN PARA AGRADECER A SÚA PARTICIPACIÓN.**